

Usluge Saveza

• PRAVNO SAVJETOVALIŠTE:

Selma Fišek, viši saradnik za pravna pitanja
fax: + 387 33 552 810
selma@sogfbih.ba

• FINANSIJSKO SAVJETOVALIŠTE:

Dženita Kovačević, viši saradnik za finansijska pitanja
fax: + 387 33 552 810
dzenita@sogfbih.ba

Sadržaj biltena:

U Goraždu se u 2014. otvara 600 novih radnih mjesta

1

Novih 200 radnih mjesta u agrarnoj proizvodnji u Živinicama

2

Općina Bihać odlučna u poboljšanju poslovnog ambijenta

2

Čitluk dobio novo vozilo za prikupljanje i odvoz otpada

3

Instaliran laboratorij za analizu vode

3

Uspostavljanje sustava prikupljanja i reciklaže dvojenog otpada u Orašju

3

Općina Centar Sarajevo uvodi novi informacijski sistem 'e-vijeće'

4

Konkretizirana saradnja između talijanskih i građaničkih privrednika

4

TiBiH odabrao Općinu Stari Grad za implementaciju projekta

5

Bilten Saveza općina i gradova Federacije Bosne i Hercegovine

U GORAŽDU SE U 2014. OTVARA 600 NOVIH RADNIH MJESTA

Nakon uspješne 2013. godine, Općina Goražde i u novoj godini nastavlja privredni razvoj i otvaranje novih radnih mjesta, saopšteno je na općinskoj web stranici.

Broj zaposlenih u općini Goražde progresivno raste. U proteklih pet godina zaposleno je više od 2.000 osoba. U 2014. godini zahvaljujući industrijskoj zoni Vitkovići u kojoj je smješteno nekoliko uspješnih kompanija, te izgradnji četiri nova poslovno-stambena objekta koji će se graditi u Rasadniku od kojih je jedan tržni centar, biće otvoreno oko 600 novih radnih mjesta.



Muhamed Ramović, načelnik Općine Goražde

Govoreći o pomenutim investicijama u 2014. godini načelnik Općine Goražde Muhamed Ramović je istakao: „Općina Goražde i dalje stoji na raspolaganju svim privrednim subjektima u svakom pogledu, a ono što bismo posebno izdvojili, jeste promjena regulacionih planova, i u tom smislu, sve funkcioniše planiranom dinamikom. Veliko razumjevanje imamo od vijećnika Općinskog vijeća Goražde koji su bili jednoglasni prilikom izmjena regulacionih planova. U konačnici to znači da svi privrednici koji žele da proširuju svoje kapacitete, kao i novi potencijalni ulagači, nemaju zastoj i da mogu na vrijeme aplicirati i nakon provedene procedure izmjene regulacionog plana, dobiti uredne dozvole i sve ono što je potrebno za njihov biznis i dalje proširenje njihovih pogona“, rekao je Ramović.

On kaže da će u 2014. godini Goražde biti jedno od najvećih gradilišta u BiH i da će ulaganja iznositi oko 40 mil KM. „Opravdavam to prije svega najavljenim ulaganjima u samoj industrijskoj zoni Rasadnik, gdje smo raspisali konkurs koji je ovih dana u završnoj fazi i na sljedećoj 14. redovnoj sjednici Vijeća vijećnicima ćemo predložiti na usvajanje i izdavanje zvaničnih rješenja za sve one koji su aplicirali i u skladu sa Zakonom prošli na Konkursu, a to je osam stambenih jedinica, odnosno osam novih kuća u nizu, u Rasadniku, zatim četiri poslovno-stambena objekta, od kojih je jedan tržni centar, čija će se površina prostirati na 20.000 kvadratnih metara. Preko stotinu radnika će sigurno biti uposleno na tom području i uporedo s tim naši privrednici vrše i proširenje svojih kapaciteta u industrijskoj zoni Vitkovići, gdje smo također svjedoci velikih ulaganja zahvaljujući kojima će se otvoriti nova radna mjesta“.

Firma "Emka" počela je sa radom u industrijskoj zoni Vitkovići, čiji pogoni i kapaciteti se stalno proširuju. U industrijskoj zoni Pobjeda očekuju se također proširenje kapaciteta u firmama "Ginex" i "Pobjeda Tehnology" koji planiraju proširenjem otvoriti oko 150 novih radnih mjesta. „Ono što smo mi posebno uspjeli kao lokalna zajednica jeste da ćemo u ovoj godini imati ulaganje od 9 mil KM zahvaljujući projektu uređenja obale od granice sa Novim Goraždem do Vitkovića, koji se realizuje sa Svjetskom bankom. Također, sa Svjetskom bankom radimo i projekat navodnjavanja koji je već prošao, tender je raspisan i počinje realizacija sa početkom proljeća. Ovim projektom



će biti obuhvaćene četiri mjesne zajednice i poljoprivrednici će konačno imati navodnjavanje svojih imanja, čime prelaze na savremeni sistem agrarne djelatnosti na ovom području“.

Ramović kaže da u ovoj godini očekuju i najpovoljniji kredit Saudijskog fonda za razvoj u iznosu od 9 mil KM, čija je implementacija u završnoj fazi i očekuju konačnu odluku u februaru, a novac će biti uložen u kapitalne projekte.



Grb Općine Živinice

**KORISNI LINKOVI ZA PREDPRISTUPNE
FONDOVE EU:**

www.southeast-europe.net
www.adriaticpacbc.org
www.interregadriatico.it
www.europa.ba
www.cbib-eu.org
www.cbc.bih-mne.org
www.srb-bih.org
www.cbc-cro-bih.net
www.programmed.eu
www.tacso.org
www.euroinfocentar.ba
www.balkanfund.org
www.eurelmed.com
www.eacea.ec.europa.eu

...ukoliko želimo poboljšati poslovni ambijent u Bihaću i Unsko-sanskom kantonu, moramo pokazati više volje i izdignuti se iznad dnevnopolitičkih dešavanja,



Grb Općine Bihać

NOVIH 200 RADNIH MJESTA U AGRARNOJ PROIZVODNJI U ŽIVINICAMA

ŽIVINICE, 9. januar/siječanj – U Općini Živinice danas je u zvanično prezentirana realizacija projekta farmi koka nosilja kapaciteta 100.000 kljunova i lanca stakleničke proizvodnje površine 200 dunuma u okviru poslovne zone i aerodroma Ciljuge. Radi se o projektu u koji je do sada uloženo pet miliona eura a koji je finansirao trgovinski lanac "Bingo".

Farma koka nosilja je od izuzetnog značaja, jer se radi o jednom

savremenom objektu, koji je tek prvjenac na području Općine Živinice.

Kada se u potpunosti izgradi ova Farma imaće 100 hiljada kljunova i matično jato koka nosilja. Nakon izgradnje Farme koka nosilja, ovdje će Bingo ulagati u kapacitete za proizvodnju tjestenina, keksa, kao i plasteničku proizvodnju.

Domaćin skupa Općinski načelnik Hasan Muratović je u svom obraćanju istakao važnost projekta za Općinu Živinice, ali i BiH u cjelini.

"Danas je prilika da, u sumornoj atmosferi političkih prepucavanja i naizgled bezizlaznoj situaciji, u Živinicama promoviramo projekat koji je budućnost i zahvaljujući kojem će posao dobiti više od 200 ljudi na farmi i u stakleničkoj proizvodnji, a kao kruna cijele te priče, planirana je gradnja fabrike tjestenine i keksa i plasteničke proizvodnje", rekao je Muratović i dodao da će ovaj projekat u konačnici doprinijeti smanjenju uvoza hrane, ali i stvoriti perspektivu za njen izvoz.

Izgradnja farmi koka nosilja već je počela, te se u aprilu očekuje njen početak rada, dok će staklenička proizvodnja početi u martu ove godine, dok je gradnja fabrike tjestenine i keksa planirana je 2015. godine.

Predsjedavajući Općinskog vijeća Živinice Esed Zenunović je u svom obraćanju za medije rekao kako će ovaj značajan objekat biti od izuzetne važnosti i da će OV Živinice i dalje biti podrška ulagačima u agrar i poduzetništvo, kako bi lokalnoj zajednici omogućili brži ekonomski razvoj.

OPĆINA BIHAĆ ODLUČNA U POBOLJŠANJU POSLOVNOG AMBIJENTA

BIHAĆ, 8. januar/siječanj – Stvaranje boljeg privrednog ambijenta u gradu Bihaću s ciljem smanjenja velikog broja nezaposlenih, podrška razvoju privrede i smanjenju broja uposlenih u javnoj administraciji glavne su teme o kojima su danas u Kabinetu Općinskog načelnika razgovarali mr.sci.Emdžad Galijašević, Općinski načelnik Bihaća i članovi Ekonomsko-socijalnog vijeća USK-a Adem Ibrahimpašić i Ismet Hrle, navodi se na web stranici Općine Bihać.



Ističući da svi zajedno ukoliko želimo poboljšati poslovni ambijent u Bihaću i Unsko-sanskom kantonu, moramo pokazati više volje i izdignuti se iznad dnevnopolitičkih dešavanja, Adem Ibrahimpašić, član ESV USK-a, kazao je da je danas dobra ona vlast koja želi zaposliti ljude u privredu i realni sektor, a ne u javnu administraciju što je poslijeratni trend u cijeloj državi.

Prema riječima načelnika Galijaševića općinska administracija u Bihaću i pored odlučnih koraka i podrške kroz budžetska izdvajanja za privredu i poljoprivredu ne može sama uhvatiti se u koštac sa ekonomskom krizom koja je evidentna u posljednjih nekoliko godina u BiH.

"Nažalost kod nas imate trend da onaj koji ne radi u državnoj firmi kao da nije zaposlen i to se pod hitno mora mijenjati. Veliki broj naših firmi danas je u stečaju i da je Općina Bihać u finansijskoj situaciji mi bi smo te firme kupili i pokušali pokrenuti proizvodnju. Također tu je i cijena građevinskog zemljišta koja je izuzetno visoka i to se mora promijeniti ukoliko želimo privući investitore koji u drugim gradovima isto zemljište kupe za jednu KM dok kod nas moraju izdvojiti značajna sredstva ovisno o površini i lokaciji na kojoj kupuju zemljište", kazao je načelnik Galijašević.

ČITLUK DOBIO NOVO VOZILO ZA PRIKUPLJANJE I ODVOZ OTPADA

Sukladno sporazumu o podršci za unaprjeđenje upravljanja čvrstim otpadom kojeg je Općina Čitluk u prosincu/decembru 2012. godine potpisala sa Švedskom međunarodnom agencijom za međunarodni razvoj (SIDA) u Čitluk je dopremljeno specijalizirano vozilo za prikupljanje i odvoz otpada.

Realizacija sporazuma kojeg su u Sarajevu potpisali načelnik općine Čitluk Ivo Jerkić i Pelle Persson, predstavnik SIDA-e, započela je u listopadu/oktobru prošle godine dopremanjem prve pošiljke kontejnera za prikupljanje otpada u krug pročištača u Potpolju, a nastavljena je dopremanjem 20 velikih otvorenih kontejnera zapremine 5 kubnih metara i na koncu okončana dostavljanjem specijaliziranog vozila za prikupljanje otpada nosivosti 9 tona.



Vrijednost donirane opreme za prikupljanje komunalnog otpada je 249.950,00 eura, a Općina Čitluk se potpisanim sporazumom obvezala urediti mjesta (tzv. zelene otok) gdje će biti postavljeni spomenuti kontejneri, sve u svrhu dugoročnog zbrinjavanja komunalnog otpada. „Zeleni otoci“ bit će ravnomjerno raspoređeni na području cijele općine i trebali bi dodatno stimulirati građane na pravilno odlaganje otpada i povećati prikupljenu količinu otpada za reciklažu. Kako bi u suradnji s mjesnim zajednicama odredila lokacije „zelenih otoka“ Općina Čitluk je svim mjesnim zajednicama uputila poziv za dostavu prijedloga lokacije na koju će biti postavljen zeleni otok na području mjesne zajednice.

Također, u narednom razdoblju u Čitluk bi trebali doći i djelatnici poduzeća za proizvodnju i servisiranje komunalnih i specijaliziranih vozila Resor d.o.o. koji će djelatnicima općinskog komunalnog poduzeća demonstrirati rukovanje opremom vozila za prikupljanje i odvoz otpada marke Iveco.

INSTALIRAN LABORATORIJ ZA ANALIZU VODE

BUGOJNO, 6. januar/siječanj – Bugojansko Udruženje prijatelja prirode "Eko-element" instaliralo je laboratorij za fizičko-hemijsku analizu vode, javlja ONASA.

Radi se o savremenom uređaju namijenjenom za ispitivanje kvaliteta vode u rijeci Vrbas i njenim pritokama, kao i u lokalnim vodovodima koji nisu uključeni u sistem gradske vodovodne mreže. Ove aktivnosti odvijaju se u okviru projekta "Vrbas - naša rijeka" i biće implementiran do sredine septembra s ciljem zaštite i unapređenja životne sredine, uz edukaciju lokalnog stanovništva, te će biti realizovan u općinama u slivu rijeke Vrbas.

Projekat je finansijski podržao Razvojni program Ujedinjenih nacija (UNDP), dok će stručni nadzor nad radom laboratorija vršiti predstavnici Odsjeka za hemiju Metalurškog fakulteta u Zenici i Ekološkog fakulteta Internacionalnog univerziteta u Travniku.

Radi se o savremenom uređaju namijenjenom za ispitivanje kvaliteta vode u rijeci Vrbas i njenim pritokama, kao i u lokalnim vodovodima koji nisu uključeni u sistem gradske vodovodne mreže.

USPOSTAVLJANJE SUSTAVA PRIKUPLJANJA I RECIKLAŽE ODVOJENOG OTPADA



Direktorica firme Ekopak-a Amela Hrbat, direktor JP „Komunalac“ Orašje Ahmet Nurispahić i Općinski načelnik Đuro Topić potpisali su ugovor kojim će biti uspostavljen sustav odvojenog prikupljanja i reciklaže ambalažnog otpada.

Firma Ekopak donirat će Komunalcu Orašje 51 kontejner za odvojeno prikupljanje ambalažnog otpada i to 12 setova po dva kontejnera za sve obrazovne institucije u općini za odvojeno prikupljanje plastike i papira i tri seta po tri kontejnera za tri tržna centra (žuti za plastiku, plavi za papir i zeleni za staklo). Nakon stavljanja kontejnera u

funkciju firma Ekopak će provesti informativnu kampanju za stanovništvo općine Orašje s posebnim naglaskom na one najmlađe, a u cilju upoznavanja s postupkom i značenjem odvojenog odlaganja ambalažnog otpada.

ekopak
Prvi ovlašteni operater sistema



Grb Općine Orašje



Grb Općine Čitluk



Grb Općine Centar Sarajevo

OPĆINA CENTAR UVODI NOVI INFORMACIONI SISTEM 'E-VIJEĆE'

SARAJEVO, 9. januar/siječanj – U okviru implementacije informacionog sistema "e-vijeće", u prostorijama Općine Centar Sarajevo danas je za rukovodioce i uposlenike ove općine održana prezentacija novog informativnog sistema kojim će se služiti općinski službenici u budućoj korespondenciji sa Općinskim vijećem.

O novom sistemu, koji je namijenjen za vijećnike i članove komisija OV, govorili su predstavnici Službe za informatiku i informisanje, koja realizuje ovaj projekat, pomoćnik načelnika Zlatko Voljevica i stručni saradnik za informatiku Samir Širić, saopćeno je iz Općine Centar.

Tom prilikom su prisutni upoznati sa procedurom digitalizacije i pretvorbom potrebnih dokumenata u univerzalni PDF format, koji bi za vijećnike bili dostupni na svakom mjestu gdje postoji internet konekcija, te na koji način se koristi aplikacija "e-vijeće".

"Neizostavni dijelovi svakog informativnog sistema čine informatička oprema (hardware), korisnici (lifeware), organizacija (orgware), programi (softwer), mreža (netware), te podaci (dataware). Svaki od ovih segmenata ima specifičnu ulogu u ovom sistemu", pojasnio je Širić.

Voljevica je kazao da će novi informativni sistem povećati efikasnost, transparentnost, primjenu modernih komunikacija i tehnologija, te smanjiti troškove štampanja materijala za sjednicu Vijeća, kao i njegovu distribuciju.

"Realizaciju ovako kompleksnog informatičko-organizacionog sistema podijelili smo na više faza. Do sada smo vijećnicima podijelili nabavljenu potrebnu informatičku opremu – laptope, te smo obavili potrebu obuku vijećnika za korištenje novog informacionog sistema. Također je naša služba kreirala vlastiti aplikativni softver za vođenje sjednica Vijeća", dodao je Voljevica.



KORISNI LINKOVI ZA PREDPRISTUPNE FONDOVE EU:

www.southeast-europe.net
www.adriaticipacbc.org
www.interregadriatico.it
www.europa.ba
www.chib-eu.org
www.chc-bih-mne.org
www.srb-bih.org
www.chc-cro-bih.net
www.programmmed.eu
www.tacso.org
www.euroinfoentar.ba
www.balkanfund.org
www.eurelmed.com
www.eacea.ec.europa.eu

KONKRETIZIRANA SARADNJA IZMEĐU TALIJANSKIH I GRAČANIČKIH PRIVREDNIKA

GRAČANICA, 9. januar/siječanj – Juče je u sjedištu gračaničke firme Kovan upriličena svečanost potpisivanja ugovora između 'Kovana' i italijanske firme 'Montello Servizi'. Riječ je o ugovoru koji je rezultat višemjesečnih nastojanja Općinskog načelnika Nusreta Helića i Udruženja poslodavaca i samostalnih privrednika Gračanica i načelnika italijanskog grada Giavera del Montello (provincija Treviso, regija Veneto) Fausta Gottarda i njegovih saradnika da uspostave saradnju između gračaničkih i italijanskih privrednika.

Potpisivanjem ugovora firma 'Montello Servizi' se obavezala da će biti ekskluzivni zastupnik *Eko line* proizvoda za italijansko tržište, a kao prvi korak u saradnji bit će instaliran sistem grijanja firme 'Kovan' – eko kotlovi u jednoj školi u gradu Giavera del Montello. Potpisujući ugovor, Luca Olindo De Marchi – vlasnik partnerske firme iz Italije, kazao je da je 'Kovan' zahvaljujući kvalitetu svojih proizvoda izborio poziciju na italijanskom tržištu, naglašavajući vjerovanje da je grijanje na pelet budućnost u italijanskim domaćinstvima.

Općinski načelnik Nusret Helić, u ime domaćina, kazao je kako ga raduje potpisivanje ugovora i početak saradnje, te da je posebno sretan zbog činjenice da je Općina s njim na čelu dala značajan doprinos unapređenju poslovanja firme 'Kovan', a time i napretku cijele Općine. Izrazio je nadu da će se ova saradnja proširiti i na druge gračaničke firme, te da će u skorije vrijeme biti potpisani i novi ugovori.

Načelnik Gottardo je kazao kako je ovo važan dan za ove dvije općine, ne samo u ekonomskom smislu, nego i za samu budućnost zagrijavanja na eko pelet. Dodao je da vjeruje da će se u Italiji sve više i više razvijati ovaj sistem grijanja, u čemu vidi veliku šansu za dobro plasiranje Kovanovih proizvoda na novom tržištu.

Jučerašnjoj posjeti i potpisivanju ugovora prethodilo je nekoliko posjeta Gračanici i gračaničkim firmama delegacija privrednika iz pomenute regije na čelu sa načelnikom Gottardom.



Načelnik Općine Gračanica, Nusret Helić sa gračaničkim i italijanskim privrednicima

Savez općina i gradova Federacije
Bosne i Hercegovine

Musala 5/1

71 000 Sarajevo

Phone: ++387 33 216 502, 209 024, 209 120

Fax: ++387 33 552 810, 552 811

E-mail: dino@sogfbih.ba

Nađite nas na facebook-u

facebook | join our group +

POSJETITE NAS NA WEB-U

WWW.SOGFBIH.BA

TRANSPARENCY INTERNATIONAL BIH ODABRAO OPĆINU STARI GRAD ZA IMPLEMENTACIJU PROJEKTA

Transparency International Bosne i Hercegovine odabrao je Općinu Stari Grad za implementaciju dvogodišnjeg projekta "Jačanje integriteta i dobrog upravljanja za efikasniju provedbu Strategije za borbu protiv korupcije u BiH od lokalnog do državnog nivoa", koji finansira Delegacija Evropske unije u BiH.

Poseban fokus istraživanja i ostalih projektnih aktivnosti, koje započinju ovog mjeseca, bit će jačanje kapaciteta za sačinjavanje, uspostavljanje i provođenje antikorupcijskih planova u ovoj jedinici lokalne samouprave, što je ujedno i obaveza predviđena Startegijom za borbu protiv korupcije u BiH 2009/2014.

U sklopu pomenutog projekta u Bosni i Hercegovini će po prvi put biti urađena detaljna procjena sistema integriteta u jedinicama lokalne samouprave, na osnovu metodologije koju je sačinio Transparency International. S obzirom na identificiranu potrebu za sveobuhvatnim pristupom za suzbijanje korupcije i sistemskim unapređenjem transparentnosti, odgovornosti i integriteta na lokalnom nivou u BiH, projekt ima za cilj da ojača kapacitete lokalne samouprave da uspostave efikasne mehanizme i procedure za poticanje transparentnosti, odgovornosti i integriteta u svom radu.



**TRANSPARENCY
INTERNATIONAL**

Poštovani čitaoci,

putem ovog biltena pružamo Vam mogućnost da se informišete o aktivnostima Saveza, o bitnim dešavanjima u općinama i gradovima, aktivnostima naših partnera, institucija vlasti, kao i o razmjeni najboljih iskustava i praksi.

Na ovaj način Vam, također pružamo informacije o održanim konferencijama, seminarima, radionicama, okruglim stolovima, javnim raspravama, o održanim sjednicama organa i tijela Saveza.

Ukoliko želite da se prijavite za primanje ovog biltena možete to učiniti tako što ćete poslati e-mail na: dino@sogfbih.ba

Molimo vas da informacije o našem biltenu proslijedite svim u vašoj i susjednim općinama i drugim zainteresiranim.

Ukoliko želite da objavite neke od vaših novosti, iskoristite bilten Saveza, koji je brz i efikasan način komuniciranja.

Sa zadovoljstvom očekujemo vaše komentare, sugestije i primjedbe.



Grb Općine Stari Grad Sarajevo